

A painting of a man with dark hair and a beard, wearing a yellow tunic and tan pants, sitting on a rocky ledge. He is holding a wooden staff with a yellow cloth wrapped around its handle. He is reaching his right hand towards a small white lamb that is standing on a rocky outcrop. The background shows a green hillside with rocks and a blue sky.

Wukwashi Wakufuma Mwiwulu

**Wasakwili mazu diyi
Watson Goodman**

Wukwashi Wakufuma Mwiwulu

“Wukwashi wakufuma mwiwulu.” Mumukandiu mudi mazu akufuma muMukanda waNzambi, akunonojola mwacheji na-mwacheji, ayaña mwaya nsaju mwaya nsaju. Neluki nami mazu amuBible amu alumbululaja mazu amakwawu cha-kubadika kuyilumbulula kudantu.

Mazu aNzambi afuma mwiwulu, akwashaja nankashi antu adi nanzala nimpwila yakuloja. Neyi muntu wukubalumuka mumuchima windi, hakuleka nshidi, hakutambika Mwanta Yesu Kristu enzi nakushakama mumuchima windi, hakukuh-welela Mwanta Yesu Kristu namuchima windi wejima nindi hiChamwinu chami, hohenohu Mwanta wakadimwekesha ku-di yena nakumwinka muzañalu windi nikuwunda mumuchi-ma wakuhwelela dehi. Dichi chinamweni hamwaka wa 1937, kufuma hana nashákami nakutiyañana naMwanta mafuku ejima. Neyi eyi wuchidi kanda wumwitiyi, nakulembeleli nami, wudilubuli HOHANU kudi yena ekali Chamwinu cheyi niMwanta.

— Watson Goodman (1920-2002)

Kukeṇa kwaNzambi

Yowanu 13:1

Henohu chawija chapaseka chichidi kanda, Yesu welukili nindi mpinji yami yakufuma mumpata yamunu mwishina niyi kudi Tata yinashiki dehi. Chakenjeliyi antu indi adiṇi mumpata yamunu mwishina, wayikenjeli hachikupu ndo nikunsa.

Chimwekeshu 1:5

Kuwunda kwakufuma nikudi Yesu Kristu, yowu chinsahu washinshika, yowu wedi wamudi afu, yowu nyuli yawanya-anta aheseiki. Yena watukeṇa watuwelesheli nyiloṇa yetu namashi indi.

Yowanu 3:16

Chaswejeliyi Nzambi kukeṇa mpata yamunu mwishina, waheni Mwanindi wumu hohu, kulonda muntu wukumukuhwelela aheti wumi wahaya nyaka, akabuli kunoṇa.

ARoma 5:8

Ilaṇa Nzambi wamwekeshaña kukeṇa kwindi yomweni kudetu, hohitwachidiṇi akwanshidi Kristu watufwilili.

Yeremiya 31:3

Yehova wamwekeni kudami hanyaka, nindi, Nakukeṇi kahaya nyaka; dichi nakukoki naluwi.

1 Timotewu 3:16

Nsaṇu yakwakama Nzambi
yajindiluwu yasweja kulema na-
nkashi, hiyatadikewaṇaku; Nzam-
bi amwekesheluwu mumujimba,
ayinjishiluwu mudi Spiritu amwe-
nuwu kudi aŋelu, ashimwinuwu
munyuza, etiyiluwu mumpata ya-
munu mwishina, atambwiluwu
mwiwulu mulubanji lwakulema.

Matewu 1:22, 23

Elili mwejimimu kulonda mwa-
hosheliyi Yehova mudi kaprofwe-
tu mwakalumbuluki, mweliliyi ni-
ndi, Tiyenu, mujiki wakabaaba
ivumu, wakavwala mwana weya-
la, akamutumba ijina dindi nawu,

Emanuweli; daya mukwila nawu,
Nzambi wudi nanetu.

Yowanu 14:9, 10a

Yesu hakumwila nindi, Eyi
Fwlipu, múnashakami nenu
mwejimimu, wubuli kuŋiluka?
Muntu nanmonami namoni Tata.
Wunelilidi neyi, Tuleji Tata?
Chinekalami mudi Tata, niTata
mudami, eyi kwitiyamu nehi? . . .

Yowanu 1:1 ni 14

Hatachi hadiṇi Izu, Izudadiṇi
naNzambi. Izu dadiṇi Nzambi. . .
Izu dabalamukili kwikala muntu;
washakamini mukachi ketu . . .
wasweja luwi ninsaṇu yalala.

Yesu Mwana kaNzambi

1 Yowanu 4:15

Muntu wukwiteja nindi Yesu hiMwana kaNzambi, Nzambi washakama mudi yena, niyena washakama mudi Nzambi.

A Kolose 2:9

Muloŋa mumujimba windi yena (Kristu Yesu) dimu mwashakama wuNzambi wejima muwushika.

Luka 1:35

Kaŋelu hakumwakula nindi, Spiritu Wajila wakenza hadeyi; ŋovu jaMukwakubadika Mwi-wulu jakakuzeŋamina; dichi chuma chiwakavwala akachitena nawu chajila, hiMwana kaNzambi weyala.

Isaya 9:6

Muloŋa kudetu kunavwaliki mwana, anatwinki mwana weyala; wakasenda wanta hachifwiji chindi; ijina dindi akaditena nawu, Wakuhayama, Mukwakuleja akwawu maana, Nzambi waŋovu, Tata wahaya nyaka, Kalamba wakuwunda.

Matewu 17:5

Iku wuchidi kuhosha, kutala ivu ditooka hidikuyizeŋamina; kutiya niizu hidikufuma mwivu odu nindi, Diyi Mwanami nakeŋa, natiyaŋa kuwaha nankashi mudi yena; mutiyililenu.

Mwanta Yesu hakudishimuna

Yowanu 8:23

Yena hakuyila nindi, Enu mudi antu ampata yamunu mwishina, ami nidi wamwiwulu; enu mudi ampata yinu, ami hinidi wampata yinuku.

Yowanu 11:25

Yesu hakumwila nindi, Yami kusañuka; Yami kuhanda. Muntu wankuhwelelami, hela wukufwa wakahanda.

Yowanu 13:13

Enu mwañilaña nenu, Eyi Nku-luñaña; chenji nawa nenu, Eyi Mwanta. Mwelaña chachiwahi, muloña dichi chinidi.

Yowanu 9:5

Hohanu hinichidi mumpata

yamunu mwishina, nichejeji champata yamunu mwishina.

Yowanu 6:35

Yesu hakuyila nindi, Ami yami nshima yawumi; muntu wukwinza kudami hakutiya cheñi nzalaku, muntu wukunkuhwelela hamba katiya cheñi mpwilaku.

Yowanu 8:58

Yesu hakuyila nindi, Chalala chalala, nukuyileja nami, hadini Abarahama kanda avwaliki, ami nidi hohu.

Yowanu 10:7

Dichi Yesu hakuyila nindi, Chalala chalala, nukuyileja nami, yami chisu chawanyikoku.

Matewu 14:19-21

Hakuleja mazaza awantu nindi ashakami hamatahu; haktambula owu mankendi atanu ninoju inshi jiyedi, hakutala kwiwulu, hakukisula nkisu, hakuhumuna mankendi, hakuyinka atumbanji, atumbanji hiyakwinka mazaza. Adiili wejima wawu ekutili; anoneni yibalu yashe-luhu mabañu ikumi namabañu ayedi ato-o. Ádiili adiñi amayala kwiji neyi makombakaji atanu, kubombelaku niambanda nianyana.

Luka 5:5, 6

Shimona hakumwakula nindi, Mwanta, tunakabakani wufuku

wejima, kabakane-e, kukwata nehi ilaña ichi chiwunahosheyi nukukumina dakulalumuna mawanda. Chaneluwu mwenimu, apompeshelelumu ilembu danshi dadeni; nimawandawu hiyakuke-ña kuketuka.

Matewu 20:30 ni 34

Kutala amputamesu ayedi anashakami kunsa yanjila, channatiyuwu nawu Yesu hakuhita, hiyakubilela nawu, Eyi Mwanta, mwana kaDavidi, tutiyili luwi. . . . Yesu hakuyitiyila wushona, hakuyikunka kumesu awu; atona nihohenohu, hiyakumulonda.

AKolose 1:16

Muloña mudi yena dimu mwaleñeleluwu yuma yejima, niyamumawulu niyahamaseki; niyuma yamonewaña, niyuma yakámonewaña; hela matanda awanta, hela mawanta antúumba, hela akwakuyula, hela akwañovu. Yuma yejima ayileñeleli mudi yena; diyi aleñeleluwu yuma yejima.

AHeberu 1:2

Hamafuku anu akukuminina, Nzambi nahoshi nanetu mudi Mwana ákunjikiliyi kwikala nswana yayuma yejima, mudi yena dimu mwaleñeleluwu matuña amakonu ejima.

Yowanu 1:3

Yuma yejima ayileñeli kudi yena. Hikwekala chuma chaleñeluwu chakubula yena kuchiñaku.

Yililu 2:36

Dichi enu akwamutaja waIsarela ejima, ilukenu, kwenu chalala, iwu Yesu mwápopeleli kukulusu, Nzambi namubalumuni dehi kwikala niMwanta diyi, niKristu diyi.

1 AKorinda 1:9

Nzambi washinshika, yowu wavyitambikili kulonda mukundanani naMwanindi Yesu Kristu, Mwanta wetu.

ARoma 14:10

Eyi mukwetu, wasompeshela-
ñadi mana kweyi? Cheñi nawa, eyi
mukwetu mukwawu, wasekeshe-
lañadi mana kweyi? Muloña
wonsu wetu twamba kemana
kwitanda daNzambi dakuso-
mpela.

Matewu 25:32

Akapompesha nyuza yejima ku-
mesu indi; wakaambola muza
namuza, neyi chaambulañayi ka-
biña anyikoku nawampembi.

Yowanu 5:22

Tata hasompeshaña muntuku,
nakunjiki kusompesha kwejima
kudi Mwana.

ARoma 2:16

Hefuku damba kasompeshayi
Nzambi naYesu Kristu yuma ya-
wantu yakujinda, mwaya nsanu
yayiwahi yinashimunañami.

2 Timotewu 4:1

Nakuleji kumesu aNzambi ni-
kumesu aKristu Yesu, wakaso-
mpesha amomi niafu, nanochu
chakamwekanayi nawanta windi.

Yililu 10:42

Yena hakutuleja nindi tushi-
mwini antu, tushimuni wunsahu
wakutena netu yenowu diyi ana-
fuukuluwu kudi Nzambi kwikala
mukwakusompesha niamomi
niafu.

AHeberu 5:9

Dichi chaneliyi walala chikupu, hakwikala mukwakubuza njila yawamwinu wahaya nyaka wawejima akumwovvahila.

AHeberu 7:25

Dichi yena natweshi kwamwina chikupu antu akundamaṇa kwa-kwihi naZambi nayena, nanichi chahandayi yena haya nyaka na-kuyilembelela.

Yililu 4:12

Hikwekala kuhanda mudi wa cheṇuku, muloṇa munu mwishina mukachi kawantu hiyanenkumu ijina dacheṇi dakuhanda na-chuku.

Yowanu 10:9

Yami chisu; neyi muntu wukwiṇilila mudami wukuhanda, wukwiṇilaṇa wukwidikaṇa, wukwananja kuwudiilu.

Yowanu 14:6

Yesu hakumwila nindi, Ami yami njila, yami walala, yami wumi. Kwosi muntu niwumu wukwinza kudi Tata chiña hadami.

Yowanu 8:24

Dichi chinayili nami, Mwakafwa nanyiloṇa yenu. Muloṇa neyi mukubula kunjitiya nenu diyi ami, mwakafwa nanyiloṇa yenu.

Akolose 1:12-14

Nakumusakilila Tata natubalumuni tutweshi kwikala atela kutambula iseka detu kuwuswana wawakwakujila muchejeji. Yena natupulwishi muŋovu jamwidima, natututulwili twiŋili muwanta waMwanindi akeŋayi. Mudi yena tukweti kutukuula, yowu kutwanakena nyiloŋa yetu.

Luka 19:10

Muloŋa Mwana kamuntu nenzi akakeŋakeni, akaamwini wajimbeli.

1 AKorinda 1:30

Ilaŋa kudi yena enu mwekala mudi Kristu Yesu, yena anamwilihi kudetu maana akufuma

kudi Nzambi, nikuloŋa, nikujila, nikukuula.

Titusa 2:14

Yesu Kristu wadiheni hadetu kulonda atukuuli kukuluwa kwejima, aditookesheli antu akudihetela, akuta nyichima hanyidimu yayiwahi.

Chimwekeshu 5:9

Hiyakwimba kamina kakaha nawu, Wunateli kutambula mukanda nakulamona yilamiki yawu; muloŋa akujahili, wunamu-kuulili Nzambi antu akunyichidi yejima, akumadimi ejima, akumatuŋa ejima, akunyuza yejima, namashi eyi.

ARoma 5:9

Dichi dinu, chitunekali dehi aloṇa namashi indi, twakabadika kupuluka kukuzuwa kwa-Nzambi hamujimba wayena.

AEfweſesa 1:7

Mudi yena dimu tukweti ku-kuula kwanatukuuluwu namashi indi, yowu kutwanakena nyiloṇa yetu, mweseka maheta aluwi lwindi.

1 Yowanu 1:7

Neyi twendaṇa muchejeji, neyi chekalayi yena muchejeji, twakundaṇanaṇa wumu namukawu, nimashi aMwanindi Yesu atutookeshaṇa nshidi yejima.

1 Petulu 1:18, 19

Nakwiluka nenu, chayikuuli-luwu kukwenda kwenu kwamukunkulwayi kumwatambwili kudi ankakulula jenu, hiyayikuulili na-yuma yatokaṇaku, hela siliva na-wuru, ayikuulili namashi alelma, adi neyi amwana kamukoku wa-kadi hatamayi hela ihuji, wowu mashi aKristu.

Komana mashi aKristu, wadilambwili kudi Nzambi cha-kadi hatamayi, mwomudi Spiritu wahaya nyaka, akubadika nankashi kutookesha chinleji chenu chamuchima, chambuki kunyi-dimu yafwa kulonda kukalakela Nzambi wamumi. —AHeberu 9:14

AEfweſeſa 2:8, 9

Muloŋa anayihandishi nalawi kwokukukuhwelela; hiyenu awenku, hichamukunkulu chambala chaNzambi; hichakunyidimuku, kulonda kubuli muntu wukudisamba.

ARoma 5:1

Dichi chitunekali dehi aloŋa nakukuhwelela, tukweti kuwunda naNzambi mudi Mwanta wetu Yesu Kristu.

Aŋalija 5:6

Muloŋa mudi Kristu Yesu, kwalama hela kubula kwalama hi-kwakwashaŋaku, chiŋa yowu kuhwelela kwakalakaŋa naku-keŋa hohu.

1 Yowanu 5:4

Wávwalika kudi Nzambi wemikaŋa mpata yamunu mwishina mushhindu; mushhindu wunafwomoni mpata yamunu mwishina yowu kukuhwelela kwetu.

Yowanu 20:31

Ilaŋa yeniyi anayisoneki kulonda mwitiyi nenu Yesu diyi Kristu, Mwana kaNzambi, kulonda chimukwitiya chakukuhwelela mumoni wumi mwijina dindi.

Hiyakumwihula nawu, Chiŋa twili ŋahi kulonda tukalakalaŋa nyidimu yaNzambi? Yesu hakwakula nindi, Mudimu wakumukalakela Nzambi yowu kwitiya yena atemesheliyi. —Yowanu 6:28, 29

Chimwaleha iwulu nahantu hese-ki, dimu mwashika niluwi lwindi kutoha Iwaanakenaŋayi awa amwakamaŋa. —Masamu 103:11

Masamu 103:17

Kwinza luwi IwaYehova Iwaku-yitiyilaŋa antu amwakamaŋa, Iwakufumisha kunyaka yejima nakutwala kunyaka yahaya nya-ka, nikuloŋa kwindi kwashika kudi ezukulu awu.

Masamu 108:4

Muloŋa luwi Iweyi Iweneni Iwabadika nimawulu, nsaŋu yeyi ya-lala yashika kumavu.

Mika 7:18

Nzambinyi wudi neyi eyi, wa-anakenaŋa kuluwa, wapandaka-

naŋa hamuloŋa wawantu awu-swana weyi anashali? Yena ha-zuwaŋa zuwee-ku, muloŋa wat-yaŋa kuwaha nankashi naluwi.

Mukeŋa 3:22, 23

Chanabuli kutunuŋununawu Iwoluwi Iwambala IwaYehova Iwavula, niwushona windi wa-bulaŋa kukuma. Wabalumukaŋa kwawu wawiha habudidi habudi-di; kashinshi keyi kasweja.

Titusa 3:5

Watwamwinini, bayi nanyidi-mu yakuloŋa yitwelili etu awenu-ku, ilaŋa mwaya luwi lwindi, na-kuwelesha kwakuvwalika kwa-kiha, nakutubalumuna twikali amaha kudi Spiritu Wajila.

Nzambi watutambikaña nindi, Inzenu kudami

Matewu 11:28

Inzenu kudami enu ejima mudi
nakukabakana, mwasenda yale-
ma, ami nukuyinookesha.

Chimekeshu 22:17

NiSpiritu ninsumbuki hiyakwila
nawu, Inzaña. Muntu wukutiya
niyena eli nindi, Inzaña. Muntu
wudi nampwila enzi, yowu wuku-
keja kutambula, atambuli meji
awumi chakadi kulanda.

Yowanu 7:37

Hefuku dakukuminina, dodifu-
ku dalemene chawija, Yesu ha-
kwimana nakubidika, nindi, Neyi

kudi muntu natiyi mpwila, enzi
kudami anwi.

Isaya 55:1

Wo-o! Enu ejima munatiyi
mpwila, inzenu kumeji; nimuntu
nabuli mali, inzenu, mulandi,
mudyi. Landenu vinyu namayeli
akadi mali, akadi wuseya.

Isaya 1:18

Yehova nindi, Inzenu tutiyaña-
nenu, hela neyi nshidi jenu jichi-
nana, jakatooka to-o neyi mpeza;
hela neyi jichinana nge, jakatooka
neyi wanda.

Kweniku diku kwamwekena ja anyana kaNzambi nianyana kadiyabolu; muntu wabula ja kwila yalo ja, hela wabula ja kuke ja mana kwindi, hiwakudi Nzambuku.

—I Yowanu 3:10

ARoma 8:14, 15

Mulo ja antu ejima alombola na fu kudi Spiritu yaNzambi, di fu anyana kaNzambi. Mulo ja himwatambwili spiritu yawudu ju mwaka mutiyi cheji womaku; mwatambwili spiritu yakwikala anyana, yowu twatambika ja na chu netu, Aba, Tata!

Kulonda mwikali akadi hakuyi nkela mulo ja, alala, anyana kaNzambi akadi hatama, mukachi

kawantu amakonu ahe ja achinchika. Mukachi kawu mwato neka ja neyi mano ju mumpata yamu nu mwishina. —AFwilipi 2:15

Ila ja ejima amutambwili, wayinkeli ɻovu yakwikala anyana kaNzambi, wowenawa akukuhwele la ijina dindi. —Yowanu 1:12

2 AKorinda 6:17, 18

Dichi dinu Yehova nahoshi ni ndi, Fumenu mukachi kawu, ambukenumu, bayi mukunka ku chuma chatamaku, ninami nuku ytambula; nukwikala Tata yenu, ninenu mukwikala anyanami amayala nawambanda; dichi chanahoshiyi Yehova Watwesha yejima.

Aḥalija 5:19-21

Nyidimu yachisemwa chaheseki hiyakuyambaku. Diyeniyi; wuvumbi, wuzondu wamumuchima, kufwila yatama, kupesha, kupanda, kuhelaṇana, kuzuṇa, ichima, mandombu, kukokwela kwenu, kudambola, kwitiya nsaṇu yaheṇa, lwi-su, kusheta, yisela, niyuma yidi neyi iyi. Yeniyi nukuyileja munayilejeli dehi, nami antu akwila mwenimu hiyamba kaswana wanta waNzambuku.

Isaya 5:11

Yayo, amenekešaṇa budidi kulonda akanwi walwa; ashakamaṇa shakame-e nimukachi kawufuku nichichakushetawu vinyu!

ARoma 13:13, 14

Twendenu chalumbuluka neyi chahamwaana; bayi nayisela nakushetaku, bayi nawusenji nakubajamaku, bayi nandombu nechimaku. Ilanja divwikenu Mwanta Yesu Kristu; bayi mukeṇa yakukwasha nachu chisemwa chaheseki, kulonda muwanishi kufwila kwachuku.

Yishimu 23:31,32

Bayi wutala chachinanaṇa walwa, chiwelaṇa mulupasa nge-e, chiwahitaṇa hamudiwu chachiwhuku. Hakukuminina hiwukusumana neyi kapela, hiwukukulawukila neyi kabandayula.

Matewu 22:37,38

Hakumwila nindi, Keŋaku Yehova Nzambi yezi namuchima weyi wejima, nawumi weyi wejima, namaaneyi ejima. Dilu lushimbi lwabadika lwakusambilala.

Maku 10:17b-22

...Eyi Nkulunjaŋa wamuwahi, nukwila ŋahi kulonda nakaswani wumi wahaya nyaka? Yesu hakumwila nindi, Wukuntenenadi neyi muwahi? Hosi muwahuku, chiŋa Nzambi hohu: Nshimbi wajiluka dehi nawu, Kujaha muntu chinjila. Kwila wuvumbi chinjila. Kwiya chinjila. Kushimuna wunsahu wakutwamba chinjila. Kudiila mukwenu yawukombi chinjila.

Lemeshaku tata yezi namama yezi. Yena hakumwila nindi, Eyi Nkulunjaŋa, yuma yejimiyi nayihembi dehi kufumisha kuwansi. Yesu hakumushinshika, hakumukeŋa, hakumwila nindi, Kunashali chuma chimu hohu; yaŋa wakalandishi yuma yezi yejima winki atuzweŋi, eyi wakaheta maheta mwiwulu; winzi wunlondaŋa. Ilanä yena hakudihomba kumesu nezu odu, hakudiyila kwindi naku-neŋa; muloŋa wadiŋi muntu wahe-ta maheta amavulu nankashi.

Yishimu 16:25

Kwekala njila yamwekana kudi muntu neyi yaloŋa; komana kuyakumina hinjila jakufwa.

AEfweſeſa 5:6

Bayi ayidimba kudi muntu namazu akuhemeshaku; muloŋa hanſaŋu yayumiyi dihu henjilaŋa kuzuwa kwaNzambi hadi akwakujikwa.

Yakoba 1:22

Ikalenu akwakwila mwaya ma- zu, bayi akwakukumina dakutiya hohu nakudidimba enu awenuku.

1 AKorinda 6:9,10

Enu kwiluka nenu abula kuloŋa hiyamba kaswana wanta waNzambuku, nehi? Bayi ayidimbaku; hela ayivumbi, hela akwakupe- sha, hela akwawusenji, hela ama- yala adilisha neyi ambanda, hela áditamishaŋa nawakwawu ama-

yala, hela amakombi, hela akwaliwiſu, hela akwakusheta walwa, hela akwakutukana, hela akwan- nyilami, hiyamba kaswana wanta waNzambuku.

1 Yowanu 3:7, 8a

Enu anyanami anyanya, bayi mwiteja kuyiluwāŋesha kudi mu- ntuku; muntu welaŋa yaloŋa wa- loŋa, chochaloŋayi yomweni. Mu- ntuku wavulumunaŋa wakudi diyabolu kwindi; muloŋa diyabolu wa- vulumunaŋa ho-o kufumisha ku- tachi. . . .

Muntu wadimonaŋa yomweni nindi nimuntu walema, iku wamu- kunkulwayi, nadidimbi tuhu kwi- ndi.

—Aŋalija 6:3

ARoma 5:12

Dichi kudi iyala wumu nshidi yeŋilili mumpata yamunu mwishina, ninshidi yaleteli kufwa; chochenochu nawa nikufwa kwashikeneni antu ejima, muloŋa wejima wawu avulumwini.

Yakoba 1:15

Dichi kufwila kwatama chikukubaaba ivumu hikukuvwala nshidi; nshidi chiyikukula hiyikuvwala kufwa.

Ezekeli 18:20

Muntu wukuvulumuna diyi wukufwa. Mwana hakakoola kuluwa kwatata yinduku, hela tata yindi hakakoola kuluwa kwamwaninduku. Kuloŋa kwamukwakuloŋa

kwakekala hadi yomweni, kutama kwamukwakutama kwakamukumina yomweni.

ARoma 8:6

Yitoŋojoka yachisemwa chahe-seki hikufwa, ilaŋa yitoŋojoka ya-Spiritu hiwumi nikuwunda.

Luka 15:32

Twadi kwila ŋahi? Tubuli kuluŋa nikuzajalala? Iwu mana kweyi wafwili, nahandi cheŋi; wajimbeli, namwekanı.

Yishimu 11:19

Muntu wakakela kuloŋa waka-shika kuwumi; muntu walondejaŋa yatama walondelaję kufwa kwindi yomweni.

Yowanu 11:43,44

Chanahoshiyi mwenomu, haku-bidika nezu dañovu nindi, Eyi Lazaru, idikakumu! Muntu wadiji wafwa hadwidikamu, chochamujinajinawu kumakasa nikunyendu namahina akujiika nachu, kumesu ajiñiluka ihina. Yesu hakuyila nindi, Musubulenu ayi.

Yowanu 10:17,18

Dichi chankeñelayi Tata mulonja nukutula wumi wami kulonda nakawutambuli cheñi. Kwosi wawuntambulañaku, nawutulañaja ami aweni. Nikweti ñovu yakuwutula, nikweti nawá ñovu yakuwutambula cheñi. Dimu mwananlejuwu kudi Tata yami.

Luka 7:14, 15a

Hakuswila kwakwihi hakukunka kumutembu; átembekeli hi-yakwimana ku-ka. Hakwila nindi, Eyi mukwenzi, nakwili nami hindukaku. Owu wafwili ashakama nikushakama, atachika nikuhosha...

Chimwekeshu 1:18

Yami Mumi; kufwa nafwili, hawkwinzichi nahanda haya nyaka nanyaka. Nsapi jakufwa nijakaluna jidi nanami.

1 AKorinda 15:25, 26

Chiña akayula yule-e, nichamba kadatayi ayilumbu jindi ejima. Chilumbu chakukuminina akanoñeshayi, yowu kufwa.

Kuhituluka 5:7-21

**Kwikala nawakishi akulunjika
kudami, chinjila.**

**Kudilila mukishi wakusoña wa-
kufwikija hela chuma chamwiwu-
lu mumawulu, hela chahamaseki
munu mwishina, hela chamumeji
mwishina damaseki, chinjila;
kudifukula kudi wena hela
kuyipesha, chinjila...**

**Kutena ijina daYehova Nzambi
yezi namaswimbu, chinjila;
Yehova hakayiñisha watenanya
ijina dindi namaswimbuku.**

**Shaku muchima kwifuku dasa-
bata, wudijiliki, mwakulejeliyi
Yehova Nzambi yezi. Mafuku
atanu nadimu wakakalakali, wa-**

kakoñi nyidimu yezi yejima...

**Lemeshaku tata yezi namama
yezi, mwomwakulejeliyi Yehova
Nzambi yezi...**

Kujaha muntu, chinjila.

Kwila wuvumbi, chinjila.

Kwiya, chinjila.

**Kushimuna wunsahu wakutwa-
mbila mukwenu, chinjila.**

**Kwikala nalwisu lwañodamu-
kwenu, chinjila; kwikala nalwisu
lwetala damukwenu, hela lweha
dindi, hela lwañamba yindi
weyala, hela lwañamba yindi
wamumbanda, hela lwañombi
yindi, hela lwachimbulu chindi,
hela lwachuma hichuma chamba-
la chamukwenu, chinjila.**

Yoba 34:21, 22

Muloŋa mesa indi atalaŋa mwendelaŋa muntu, wamonaŋa mwayaŋayi mwejima. Hikudi mwidima, hela wulelu wakufwa, kwakubatama akwakukoŋa yaku-luwaku.

Masamu 139:8 ni 12

Hinili nami nikandami mwiwu-lu, ye yi awa; nami nikambami mukaluŋa, ye yi awa.... Mwalala mwidima hikwukutwesha kunsweka kudeyuku, wufuku wutooka to-o neyi mwaana. Nimwidima nimwaana hohamu hohu.

Yeremiya 23:24

Yehova nindi, Muntu atweshi kubatama kumbeŋu nakumbeŋu

kwakubula kumumona kudami, tahindi? Yehova nindi, Hiyami inenzali nimwiwulu nihesekuku?

Yishimu 15:3

Mesu aYehova adi kwejima, atalaŋa niatama niamawahi.

Luka 8:17

Muloŋa hikwekala chuma chabutajawu chikubula kumwe-kana hatookaku; hela chuma chakujinda chikubula kutiyakanaku, chikwidika hatooka.

AHeberu 4:13

Kwosi chuma chaleŋeluwu chinabuli kumwekana kumesu induku, yuma yejima yidi nzekesi, yidi hatooka kumesu ayena itwamba kadimona nindi.

Akwakusekesha Nzambi Kusompesha Kwawu Kwahaya Nyaka

Matewu 13:41, 42

Mwana kamuntu wakatemesha
aŋelu jindi akafumishi muwanta
windi yuma yadimbwishaŋa ye-
jima, niáluwaŋa. Akayinatila mu-
luteŋi lwakesi, mwakekala kudila
nakudisumona kumaji.

Matewu 18:8

Neyi chikasa cheyi, hela
mwendu weyi wakudimbwishaŋa
wuketuli, wuwunatili kwaku-
lehi naneyi; chinawahi kwiŋila
muwumi nawufwayi hela nawu-
lema; kukunatila mukesi kahaya
nyaka wudi namakaseyi ayedi,
hela nanyendu yeyi yiyeđi,
hichinawahuku.

2 Petulu 3:7

Hakwinza mawulu niiseki adu-
ku katataka, anayiswekeli kesi
nezu dodimu, anayiswekeli ifuku
dakusompesha nikujilumuka
kwawantu asekeshaña Nzambi.

Matewu 25:46

Wenawa akaya kwawu muku-
babesha kwahaya nyaka; aloŋa
akaya muwumi wahaya nyaka.

ARoma 1:18

Muloŋa kuzuwa kwaNzambi
kunamwekani kwiwulu, kwakuzu-
wila kasekesha kakusekesha
Nzambi kejima, nikuheŋa kwa-
wantu awa alabishaña nsanu
yalala nakuheŋa kwawu.

Yililu 17:31

Muloŋa nashumu dehi ifuku damba kasompeshayi matuŋa mwalonja, neyala anafuukuliyi dehi. Mwenomu nakoleshumu dehi kudi antu ejima, nanochu chanamusaquliyi mudi afu.

2 Petulu 2:9

Komana Yehova weluka kupulwisha akwakumwakama mukweseke, weluka kusweka ábula kuloŋa mukubabesha, akashiki kwifuku dakusompesha.

1 Yowanu 4:17

Diku kunawanini kukeŋa mudetu chikupu, kulonda tubuli woma mwifuku dakusompesha;

muloŋa chadiyi yena, dichi chitudi ninetu munu mwishina.

AHeberu 9:27

Dichi dinu chaneluwu antu anayifuukwili kufwa kamu, nkumininaku hikusompesha.

2 AKorinda 5:10

Wejima wetu chiŋa twakamwekana kwitanda daKristu dakusompela; kulonda twakatambuli yuma yitwelili hitwadiji munyijimba hamuntu hamuntu, iwu mweliliyi, iwu mweliyi, hela yayiwahi hela yatama.

ARoma 14:12

Dichi dinu, wejima wetu twamba kalumbulula kudi Nzambi mutwelaŋa hamuntu hamuntu.

1 Petulu 5:5b

...Nzambi wadikaŋaŋa nawa-kwakudinka wanta, hakwila akwakudizoza wayinkaŋa luwi.

ARoma 9:16

Dichi hichidi kudi wákeŋaŋa, hela kudi wádikwatishaŋaku, chiŋa kudi Nzambi wukweti luwi hohu.

ARoma 5:15

Ilaŋa chamukunkulu chaluwi hichinesekani namuloŋaku. Cha-fwiluwu antu amavulu nakuvulu-muna kwamuntu wumu, komana luwi IwaNzambi nichamukunkulu chenjili nalawi lwamuntu wumu, yowu Yesu Kristu, chikuyiswe-jela nankashi antu amavulu.

Yililu 4:33a

Apostolu hiyakushimuna naŋo-vu yayeni wunsahu wawu waku-sanuka kwasaŋukiliyi Mwanta Yesu mudi afu. Luwi Iwalweni hilukuwanina wejima wawu...

2 AKorinda 9:15

Tumusakililenu Nzambi nansa-ŋu yachamukunkulu chindi cha-kaŋanya kushimunewa.

2 AKorinda 8:9

Muneluki luwi IwaMwanta wetu Yesu Kristu, Iwakwila hela wadiŋi waheta, hakwikala kazwe-ŋi kukoolenu, kulonda kuwuzweŋi windi enu mwakekali aheta.

Dichi dinu, balumukenu munyichima yenu, mufunti, kulonda akajimañeshi nyiloña yenu, kulonda kwinzi yilaaka yakuhizumwisha yakuleta ŋovu jakufuma kwekala Yehova. —Yililu 3:19

Yililu 2:38

Kuchinka Petulu nindi, Balumukenu munyichima yenu, ayipapatishi wejima wenu mwijina da Yesu Kristu, kulonda kuyanakena nyiloña yenu; mutambuli chamukunkulu cha Spiritu Wajila.

Nukuyileja nami, nehi; chiña mubalumuka munyichima yenu; neyi nehi, dichi mwamba kanoña ninenu nawa. —Luka 13:3

Matewu 3:2

Nindi, Balumukenu munyichima yenu, muloña wanta wamwuwulu wunashiki dehi kwakwihi.

Nzambi wadiwili oyu nyaka yakuyamba; hakwinza katataka naleji antu ejima kwejima kwejima, nindi abalumuki munyichima. —Yililu 17:30

2 AKorinda 7:10

Muloña kuneña kwaneneshañayi Nzambi, kwaletaña kubalumuka mumuchima, kwashikaña kuwamwinu, hikwaletaña chikelaku; hakwinza kuneña kwampa ta yamunu mwishina, diku kwaletaña kufwa.

Muloṇa neyi mukwanakena antu nyiloṇa yawu, niTata yenu wamwiwulu wakayanakena nine-nu nawa. —Matewu 6:14

Ilaṇa neyi muntu watama wakabalumuka, hakuleka nshidi jindi jejima janavulumuniyi, hakuhemba nshimbi jami jejima, hakwila yuma yaya muwuṇaji nakuloṇa, chalala yena wakahanda, hakafwaku. —Ezekeli 18:21

Yowanu 8:11b

... Yesu nindi, Hela ami hinakuhišuku; yaṇa kweyi, kufumiša kulelu bayi wufuntilamu cheṇuku.

Isaya 55:7

Watama aleki mwelaṇayi,

muntu waheṇa aleki mwatoṇojokaṇayi, afunti kudi Yehova, yena wakamutiyila wushona; afunti kudi Nzambi yetu, yena wakamwanakena nankashi.

Yililu 5:31

Yenowu anamutúumbakeshi dehi kudi Nzambi nachikasa chindi chachidiilu, ekali Mwanta niChamwinu, kulonda aleti kudi Isarela jakubalumuka munyichima, nikuyanakena nyiloṇa.

Maku 2:5

Yesu chanamoniyi kukuhwelela kwawu, hakumwila owu wakata kalepa nindi, Eyi mwanami, anakwanakeni nyiloṇa yezi.

Kwambuka Nayuma Yampata Yamunu Mwishina

27

Muloŋa luwi lwaNzambi lwale-taŋa wamwinu wawantu ejima, lunamwekani dehi. Lwatufumba-ŋa nawu tuleki kusekesha Nzambi, nikufwila yatama yampata yamunu mwishina, tushakami nyaka yinu nakuwundisha mumesu, nikuloŋa, nikwakama Nzambi.

—Titusa 2:11, 12

AKolose 3:2

Toŋojokenu yuma yamwiwulu, bayi yahamasekuku.

AEfwesea 5:11

Bayi mukundaŋana nayuma yelaŋawu mumwidimaku, chiŋa kuyikonkolola.

Welenu, ditookeshenu; fumi-shenu kumesu ami kutama kwayuma yimwelaŋa; lekenu kwila chatama.

—Isaya 1:16

1 Yowanu 2:15, 16

Bayi mukeŋa mpata yamunu mwishina, hela yuma yamunu mwishinaku. Neyi muntu wukukeŋa mpata yamunu mwishina, kukeŋa kwaTata hikwekala mudi yenaku. Muloŋa yuma yampata yamunu mwishina yejima, kufwila kwachisemwa chaheseki, nikufwila kwamesu, nikudisamba kwamukunkulwayi kwawumi wunu, hiyakudi Tataku, yamumpata yamunu mwishina.

Ezekeli 36:26

Nakayinka muchima wawiha,
nakasha spiritu yayiha mudenu.
Nakafumisha muchima welola
mumujimba wenu, nakayinka
muchima wamusunyi.

1 Yowanu 2:29

Neyi muneluki nenu yena wa-
loŋa, mukwiluka antu ejima
elaŋa yaloŋa nenu anavwaliki
kudi yena.

2 AKorinda 5:17

Dichi muntu wudi mudi
Kristu, anamuleŋi dehi chachiha;
yuma yayikulu yinahiti dehi, ko-
mana yuma yejima yinabalumuki
dehi yayiha.

1 Yowanu 5:18

Tuneluki netu muntu wavwa-
liku kudi Nzambi havulumuna-
ŋaku; muntu wavwalika kudi
Nzambi wadihembaŋa, owu wata-
ma hakumukunkaku.

Yowanu 3:3

Yesu hakumwakula nindi, Cha-
lala chalala, nukukuleja nami,
muntu kutwesha kumona wanta
waNzambi chiŋa avwalika cha-
chiha.

1 Petulu 2:23

Yena chamutukiluwu, hafunti-
shili chenji matukaku; chamweniyi
yihuŋu hazuwiluku, ilana wadi-
kunjikili kudi yena wasompe-
shaŋa chaloŋa.

AEfweſesa 2:1 ni 6

Ninenu ayihandishili chimwadiji afwa nanyiloña yenu nanshidii... Watusaŋwili chimu nindi, watushakamishili chimu nindi mumawulu, mudi Kristu Yesu.

Neyi ayisaŋwili chimu naKristu, keŋenu yuma yekala mwiwulu, mwekalayi Kristu na-shakami kuchikasa chaNzambi chachidiilu. Toŋojokenu yuma yamwiwulu, bayi yahamasekuku. Muloña mwafwa dehi, niwumi wenu anawusweki naKristu mudi Nzambi. —AKolose 3:1-3

Yena yomweni wasendeli nyiloña yetu mumujimba windi hamu-

tondu, kulonda etu tunafwi dehi kunshidi tuhandili kuloña; anayikuswishi nanyinkakambu yindi yena. —1 Petulu 2:24

AJalija 5:24

Antu ambala aKristu Yesu apopela dehi chisemwa chaheseki kukulusu, niyuma yatiyaña chisemwa kuwaha, niyafwilajayi.

Chinjila! Etu twáfwili dehi, kunshidi tuyafu, tukutwesha ku-handilamu cheňi ňahi?... Chochenochu nawa ninenu aweni difukulenu nenu kunshidi muyafu, hakwinza mudi Kristu Yesu munekali amomi akuhandila Nzambi. —ARoma 6:2 ni 11

A'Dalija 6:8

Muntu wukukuwila chisemwa chindi chaheseki, wakadya kuto-ka kuchisemwa chaheseki; hakwi-la yena wukukuwila Spiritu, wakadya wumi wahaya nyaka kudi Spiritu.

Yowanu 3:14, 15

Chanyamwiniyi Mosi kapela hewulu mwisaña, dichi chakan-yamunawu niMwana kamuntu hewulu; kulonda muntu wukwi-tya chakukuhwelela amoni mudi yena wumi wahaya nyaka.

Yowanu 3:36

Muntu wukukuhwelela Mwana wukweti wumi wahaya nyaka; hakwila muntu wabulaña kwo-

vwahila Mwana hakamona wumku, kuzuwa kwaNzambi kwa-shakama hadi yena.

ARoma 6:23

Muloja wufwetu wanshidi hi-kufwa, ilaňa chamukunkulu chaNzambi hiwumi wahaya nya-ka, mudi Kristu Yesu, Mwanta wetu.

Yowanu 5:24

Chalala chalala, nukuyileja nami, muntu wukutiya mazu ami, hakukuhwelela yena wanteme-sheli, wukweti wumi wahaya nyaka; hakamona kumusompe-shaku, nafumi dehi mukufwa, neñili dehi muwumi.

Isaya 32:17

Mudimu wakoŋaŋa kuloŋa
yowu kumwena; kuloŋa kwaka-
koŋa kuwunda nakuduŋumika
haya nyaka.

AJalija 4:6

Chimunekali dehi anyana ka-
mbala, Nzambi atemesha niSpiri-
tu yaMwanindi munyichima yetu
nindi, Aba, Tata.

Yowanu 14:21

Muntu wukweti mazu inayile-
jaŋa nakuyihemba, diyi wankeŋa;
ninowu wankeŋa akumukeŋa kudi
Tata yami, ninami nukumukeŋa,
nukudimwekeshanja kudi yena.

ARoma 8:16

Yomweni Spiritu washimunaŋa

wunsahu hamu naspiritu yetu,
nindi tuyanyana kaNzambi.

1 Yowanu 3:18, 19

Enu anyanami anyanya, bayi
tukeŋa akwetu chamukanwa, hela
chamukuhosha hohuku; chiŋa tu-
yikeŋi chalala nakwila mutwa-
hoshanja. Kweniku diku kutukwi-
lukila netu tudi akwansaŋu yala-
la, diku kutukudikoleshela mu-
nyichima yetu kumesu indi mwe-
jima mukututanyishila nyichima
yetu.

1 Yowanu 4:13

Kwiluka netu twashakama mu-
di yena niyena washakama mude-
tu hohanatwinkiyi yaSpiritu yin-
di.

Kristu Washakama Mudetu Waletaña Muzañalu

Yowanu 17:13

Ichi dinu hinukwinza kudeyi.
Hinukuhosha mwenimu hinichidi
mumpata yamunu mwishina, ku-
londa muzañalu wami wuhanini
mudi wena.

Muloña wanta waNzambi hiwa-
lelena mukudya nakunwaku, wa-
lelena mukuloña, nimukuwunda,
nimumuzañalu wamudi Spiritu
Wajila. —ARoma 14:17

Añalija 2:20

Ampopela dehi kukulusu hamu
naKristu, ilaña nahanda; hiyami
nawaku, Kristu diyi wahandilaña
mudami. Chinahandaña mumu-

jimba nahandaña mukwitiya kwa-
kukuhwelela Mwana kaNzambi,
wankeñeli, wadiheni kunkoolami.

Isaya 12:3

Dichi mwakaluña nakutaha
meji mumashima awamwinu.

Yowanu 15:11

Chinayileji yumiyi nalondi
muzañalu wami wikali mudenu,
nimuzañalu wenu wuhanini.

Wakanleja njila yawumi; haku-
shakama kumesu eyi kudi kuza-
ñalala kwakweni kwamana; mu-
chikasa cheyi chachidiilu mudi
yakutiyisha nachu kuwaha haya
nyaka. —Masamu 16:11

1 Samweli 12:15

Ilaṇa neyi enu kutiyilila mwizu da Yehova nehi, neyi mwakadikana nanshimbi ja Yehova, chikasa cha Yehova chakayikalila, neyi chichakalilili ankakulula jenu.

ARoma 6:16

Mweluka dehi, neyi mukudilubula kudi muntu mwili anduṇu jindi akumwovwahila, muneli dehi anduṇu janowu mwovwahilaṇa; hela janshidi nakutwala kukufwa, hela jakwovwahila nakutwala kukuloṇa.

2 ATesalonika 1:7-9

Ninenu mwamonaṇa lukadi kuyihinjishila kunooka hamu

nanetu, hakamwekanayi Mwanta Yesu hakafumayi kwiwulu muke-si kakubidima, hamu nawaŋelu jaŋovu jindi, nakuditenda hadi antu abula kwiluka Nzambi, ni-hadi antu abula kwovwahila nsaṇu yaMwanta wetu Yesu yayi-wahi. Wena akayibabesha nakuji-lumuka kwahaya nyaka kwaku-fuma kumesu aMwanta, nikuku-lema kwaŋovu jindi.

Kuhituluka 11:26-28a

Talenu, lelu hinukuyishila ku-mesu enu ninkisu niishiṇu; nkisu, yokutiyilila kuleja kwaYehova Nzambi yena kunukuyileja lelu; ishiṇu, yokubula kutiyilia kuleja kwa Yehova Nzambi yenu...

AFwilipi 2:11

Nimadimi ejima aketeji nawu Yesu Kristu diyi Mwanta, kulgonda kulemeshza Nzambi Tata.

Matewu 10:32, 33

Dichi yowu wakańiteja kumesu awantu, ninami nawa nakamwiteja kumesu aTata yami wudi mwiwulu. Ilańa yowu wakadikalami kumesu awantu, ninami nawa nakadikalayi kumesu aTata yami wudi mwiwulu.

Mulońa neyi wukwiteja nakanwa keyi neyi Yesu diyi Mwanta, nakwitiya mumuchima weyi neyi Nzambi wamusawili mudi afu, eyi wukuhandza. Mulońa namuchima muntu wetiyańa nakutambula

kulońa; nakanwa wetejańa nakanwa kuhanda. —ARoma 10:9, 10

Muntu wadikalańa Mwana hakweti Tataku; yowu wetejańa Mwana diyi wukweti niTata nawa.

—1 Yowanu 2:23

Luka 9:26

Mulońa muntu wukutiya nsonyi jamami nijamazu ami, niMwana kamuntu wakamutiya nsonyi hakenzayi nalubanji lwa-kulema kwindi yomweni, nikwa-Tata yindi nikwawańelu ajila.

1 Yowanu 4:2

Spiritu yaNzambi mukumwilukila hayumiyi; aspiritu ejima etejańa nawu Yesu Kristu wenjili mumujimba, diwu akudi Nzambi.

2 ATesalonika 2:9

Chakenzayi owu mukwakulu-walala, wakenza mwakoŋeshaŋayi Satana, naŋovu jejima, naynjikijilu, nayihayamisha yaktwamba.

1 Petulu 5:8

Babalenu, tonenu; mukwankunyi nenu diyabolu wudi nakuya nakutambatamba nakukeŋakeŋa akudyayi, neyi mutupa wabulumaja.

Henohu Yesu hiyakumutwala mwisaŋa kudi Spiritu, kulonda akamweseki kudi diyabolu.... Yesu hakumwila nindi, Fumaku eyi Satana, muloŋa anasoneki nawu, Kadifukulaŋa kudi Yehova

Nzambi yeji, wakakalakelaŋa yena hohu kanka windi. Henohu diyabolu hakumushiya; kutala aŋelu hiyakwinza nakumukalaka-la.

—Matewu 4:1 ni 10, 11

AEfweſesa 6:11

Manyekenu yitwa yaNzambi yejima, kulonda mutweshaña ku-dikaŋa namaana adiyabolu akudi-mbana.

Yililu 26:18

Kulonda wutoneshi mesu awu, abalumuki afumi kumwidima eŋili muchejeji; afumi kuŋovu yaSatana ayi kudi Nzambi; ku-londa amoni kuyanakena nyiloŋa, atambuli wuswana hamu nanawa aneli ajila nakunkuhwelelami.

Henohu dihu hakamwekeshawu yenowu mukwakuluwalala, ákanoñeshawu kudi Mwanta Yesu namuuya wakukanwa kindi, ákelishawu wamukunkulwayi chakamwekanayi Mwanta Yesu hakenzayi. —2 ATesalonika 2:8

Yakoba 4:7

Dichi mwovvahilenu Nzambi, hakwinza diyabolu dikanjenu nindi, niyena wukuyitemuka.

AHeberu 2:14

Chelawu anyana ekala nanyijimba yamashi, dichi niyena nawa hakwikala mwomumu; kulonda chakufwayi yena, abalumuni diyabolu wadiji nañovu yakufwa ekali chimwañaji.

ARoma 8:35 ni 37

Wukutwambula kukukeña kwa-Kristu hinyi? Yihuňu tahindi? Kumona kukala tahindi? Makabishi tahindi? Nzala tahindi? Wuvu tahindi? Yuma yafwana tahindi? Mpoku yakabali tahindi? . . . Kwakulehi! Muyuma yejimiyi tunekali akwakwimika mushindu nikubadikamu, nañovu jayena watukeñeli.

1 Yowanu 3:8

Muntu wavulumunaña wakudi diyabolu kwindi; muloña diyabolu wavulumunaña ho-o kufumisha kutachi. Dichi chamumwekesheleluwu Mwana kaNzambi, kulonda akisañani nyidimu yadiyabolu.

1 Yowanu 4:20

Muntu wukwila nindi, Ami na-keṇa Nzambi; iku saṇa ahelelayi mana kwindi, hintwambi; muloṇa muntu wukubula kukeṇa mana kwindi anamoniyi, hakutwesha kukeṇa Nzambi anabuli kumona-yuku.

1 AKorinda 13:1

Neyi ami nahoshaṇa madimi awantu nawaṇelu, ilaṇa nabula kukeṇa, neli dehi neyi mpūṇa yikuvuma, hela neyi nyishimpu yikuvuma ngi-ngi-ngi.

Yowanu 13:35

Neyi mukukeṇajana, dihu hakayilukilawu antu ejima nawu mudi atumbanji twami.

Aīalija 5:22, 23a

Hakwila nyikabu yaSpiritu yowu kukeṇa, muzaṇalu, ku-wunda, kukaba kabe-e, luwi, ku-waha, kushinshika, kwovwaha, kudihemba. . . .

Yowanu 21:16

Hakumwihula cheṇi kamuchi-yedi nindi, Eyi Shimona mwana kaYowanu, wankeṇa? Hakumwa-kula nindi, Eṇa Mwanta, eyi weluka chinakukunda. Hakumwi-la nindi, Biṇaṇa anyikoku jami.

Tuneluki netu tunafumi mukufwa tuneṇili muwumi, nanochu chitwakenaṇa ana kwetu. Muntu wabulaṇa kukeṇa washakamaṇa mukufwa. —1 Yowanu 3:14

Yililu 10:39-41

Yetu ayinsahu twamweni namesu mwejima mweliliyi mwituña dawa Yudeya nimu Yerusalem; yena nawa amujahili, nakumukudika hamutondu. Yena amusañwila kudi Nzambi mudi afu ifuku damuchisatu; hakumumwekesha hatooka, bayi kudi antu ejimaku, ilaña kudetu ayinsahu akutondanahu dehi kudi Nzambi, yetu twelili nikudya nikunwa nindi helililiyi nasañuki dehi mudi afu.

Yowanu 20:26-28

Chimunahiti mafuku atanu nasatu, atumbanji twindi adiñi cheñi mwitala, Tomasi wadiñi hamu nawu niyena. Yesu hakwin-

za, kuyenzelu saña apatilaku; hakwimana mukachi, hakuyila nindi, Kuwunda kwikali nanenu. Hakumwila Tomasi nindi, Letaku kunu munu weyi wumoni makasami, ololaku chikasa cheyi wiñiji kukabavu kami. Bayi wika-la nantaduku, itiyaku.

Maku 16:9

Cheliliyi nasañuki dehi habudidi hefuku damulungu damuchimu, wasambilili kumwekana kudi Mariya Mandaleni afumishiliyi ademoni atanu nayedi.

ARoma 4:25

Yena amuheni akooli nyiloña yetu, amusañwili kulonda etu twikali aloña.

Matewu 16:21

Kufuma henohu Yesu hakutachika kuleja atumbanji twindi nindi, Chiña nakaya ku Yerusalem, nakakaba yuma yayivulu kudi akulumpi, nikudi akulumpi jawatupristu, nikudi ansoneki; akanjaha, hetañwa damuchisatu nakasañuka mudi afu.

Yowanu 5:25 ni 28, 29

Chalala chalala, nukuyileja nami, mpinji yikwinza, yashika dehi, mwakutiyilawu afu izu da- Mwana ka Nzambi, ákutiya aku- handa. . . Bayi muhayama chumichuku; mpinji yakenza henohu antu ejima adi mumajamu akati- ya izu dindi; akedikamu; élili

chachiwahi akasañukila wumi, ákoñeli chatama akasañukila ku- yisompesha.

ARoma 6:3-5

Enu munayambi, tahindi? Etu ejima apapatishiluwu mudi Kristu Yesu, atupapatishili twiñili mukufwa, kwindi. Dichi kuchipapatishu atujiikili chimu nindi twiñili mukufwa, kulonda chasañwiluwu Kristu mudi afu nakulema kwa Tata, dichi ninetu nawu twendi muwumi wawiha. Muloña chitunadibombi dehi nindi nachifwikija chakufwa kwindi, dichi chitukwikala nachifwikija chakusañuka kwindi nawa.

Luka 1:74, 75

Kulonda chakutwamwinayi kumakasa awakwankunyi netu, twakamukalakelaña kumesu indi chakadi woma, nimukujila nimukulona mafuku etu ejima.

2 AKorinda 7:1

Enu akwetu twakeña, ichi chanatukanuwu mwenimu, tuditookeshenu kutama kwamujimba nikwaspiritu; tukoleshenu kujila nawoma waNzambi.

2 Timotewu 2:21

Muntu wukuditookesha nakwambuka kuyumiyi, wukwikala nsaba yampuhu, yajila, yatela kukoña nachu Mwanta, yaloñeshelu-wu nyidimu yayiwahi yejima.

1 Petulu 1:2

Enu atondewa mwaya kwiluka kwelukilañahu dehi Nzambi Tata, mukujila kwaSpiritu, kulonda kwovwahila nikusampula mashi aYesu Kristu. Luwi lwikali nane-nu, nikuwunda kuyivulili.

1 Petulu 1:15

Hawkila chelayi yena wayitambikili wajila, enu nawa ikalenu ajila mumwelilaña mwejima.

2 Timotewu 2:15

Kabilaku kudimwekesha kumesu aNzambi, wumuntu anesekuwu dehi, mukwakukalakala wakadi hakutiyila nsonyi, nakulumblula mazu ansaňu yalala mwayawu mwayawu.

Wajila waYehova

Isaya 35:8

Kwenoku kwakekala ninjila,
akayitena nawu, Njila yakujila;
mukwamajilu kuhitamu nehi,
ilaña yakekala yanawa; akwa-
kwenda njila, hela ayisupi, hi-
yakaluwila mwokuku.

AEfweesa 1:4

Chatutondeliyi mudi yena hen-
hu chikuku champata yamunu
mwishina chichidi kanda, ku-
londa tujili, tubuli hakutwinkel-
a muloña kumesu indi, mukukeña.

1 Yowanu 1:9

Neyi tukwiteja mutunavulumu-
ni, yena washinshika waloña, wu-
kutwanakena nyiloña yetu naku-
tutookesha kuheña kwejima.

Matewu 3:11

Chalala ami nidi nakuyipapa-
tisha mumeji kulonda mubalu-
muki munyichima; ilaña owu
wukwinza munyima yami wamba-
dika ɳovu, nkabilu jindi ami
kutela kujisenda nehi; yena
wakayipapatisha mudi Spiritu
Wajila nimukesí.

AHeberu 12:14

Londenu kuwunda nawantu
ejima nikujila, muntu wukuchi-
bula hamba kamona Mwantaku.

AHeberu 13:12

Dichi Yesu niyena wedikili ku-
chisu hakumona yihuṇu, kulonda
ajiliki antu namashi indi.

Luka 11:13

Dichi neyi enu atama muneluki kwinka anyanenu yamukunkulu yayiwahi, Tata yenu wamwiwulu wukubadika kuyinka awa akumulomba Spiritu Wajila.

Yililu 1:8a

Ilaña chakenzayi Spiritu Wajila hadenu, mwakatambula ḥnovu, mwakela ayinsahu jami...

Ezekeli 36:27

Nakasha Spiritu yami mudenu, nakayendesha munshimbi jami, mwakahembaja wuñaji wami, mwakakoñajamu.

ARoma 8:9

Neyi Spiritu yaNzambi washakama mudenu, komana mudi

áSpiritu, himudi áchisemwa chahesekuku. Neyi muntu wabula Spiritu yaKristu, himuntu winduku.

Yililu 13:52

Atumbanji aswejeli muzañalu nikwinzala Spiritu Wajila.

Chanalombuwu, omu mwapo-mpeleluwu himukukanka; wejima wawu hiyakwinzala Spiritu Wajila, hiyakuhosha mazu aNzambi chakadi woma.

—Yililu 4:31

Ilaña yena, wenzala dehi Spiritu Wajila, hakutala mwiwulu swi-i, hakumona lubanji lwakulema kwaNzambi, niYesu nemani kuchikasa chaNzambi chachidiilu.

—Yililu 7:55

Masamu 34:18

Yehova wudi kwakwihi nawantu abaluka nyichima yawu mwivumu, wayamwinaja antu akweti spiritu yachikeka puchi.

Muloṇa yuma yejimiyyi yakwila namakasami hohu, dichi yuma yejimiyyi hiyikwikala nikwikala. Dimu mwanahoshiyi Yehova. Ti-yenu muntu inukutala chachiwahi, yowu kazweni mumuchima, wachikeka mumuchima, wazaalaṇa izu dami. —Isaya 66:2

Chimwekeshu 21:4

Wakayikombola madilu ejima kumesu awu; hikwakekala nawa cheṇi kufwaku; hikwakekala nawa cheṇi hela kuneṇa hela

kudila hela kukataku. Yuma yakuṣambilā yinahiti dehi.

Kuhwelelaku Yehova, ilaku chachiwahi, chochina wakashaka-mwituṇa, wakadya chachiwahi.

—Masamu 37:3

1 Petulu 4:12, 13

Enu akwetu twakeṇa, bayi muhayama chakuyesekawu nakesi kanenzi mukachi kenu nakuyikabisha, nenu kunatuwani chuma chacheṇuku. Chiṇa kuzaṇalala nanochu chimuneli akwakutambwila makabi chimu naKristu; kulonda hakamwekanayi mulubanji lwakulema kwindi, mwaka-zaṇalali namuzaaṇalu wasweja nankashi.

AHeberu 2:18

Chakabiliyi yomweni nakumweseña, yena natweshi kukwasha antu akwesekawu.

Nzambi wakuwunda keña achi-ki Satana mwishina danyendu yenu... —ARoma 16:20a

Masamu 34:19

Yuma yakala yamonawu aloña yayivulu; ilanya yejima Yehova wayipulwishañamu.

Isaya 43:2

Chiwukuhitaña muchimeji nukwikalanya neyi. Chiwukuhitaña mutuloña, hitwakakuhita hamutuku. Chiwukuhitaña mukesí, hiwakasukumaku; kwosi mulañu wakakwochaku.

ARoma 8:28

Tuneluki netu yuma yejima yakalakelaña hamu, nakuletela antu akeña Nzambi kuwaha, wowu atambikiliyi mwafuukwiliyi dehi.

1 AKorinda 10:13

Hikunayiwani kweseka kwabulaña kutweshawu antu ejimaku; ilanya Nzambi washinshika, hakwiteja kuyeseka chabadika muñovu jenuku; chakuyesekawu wukubuzilaku njila yakupulukila, kulgonda mutweshi kukakela.

2 AKorinda 4:17

Muloña lukadi lwetu lwakata-taka lwapepela, lwatukoñelaña pezu yakulema kwabadika nankashi, kulema kwahaya nyaka.

Chimwekeshu 3:12

Yowu wukwimika mushindu
nakamubalumuna kwikala chisimi
chamutembeli yaNzambi
yami, hamba kedikamu chejuku.
Nakasoneka hadi yena ijina da-
Nzambi yami, nijina dañanda
yaNzambi yami, yowu Yerusa-
lema yayiha yakasuluka mwiwulu
nakufuma kudi Nzambi yami, nii-
jina dami dadiha.

Chimwekeshu 3:5

Yowu wukwimika mushindu,
diyi akavwikawu mahina atooka;
hinakajimañesha ijina dindi mu-
mukanda wawumuku, naketeja
ijina dindi kumesu aTata yami
nikumesu awañeli jindi.

Chimwekeshu 3:21

Yowu wukwimika mushindu,
nakamwiteja kushakama nanami
hetanda dami dawanta, neyi chi-
nemikili ami mushindu, nashaka-
ma naTata yami hetanda dindi
dawanta nawa.

Chimwekeshu 21:7

Muntu wukwimika mushindu
wakaswana yumiyi; nakekala
Nzambi yindi, niyena wakekala
mwanami.

Yowu wukweti matu atiyi mwa-
kuhoshayi Spiritu nayipompelu.
Yowu wukwimika mushindu na-
kamwiteja kudya kumutondu
wawumi wekala muparadisa ya-
Nzambi. —Chimwekeshu 2:7

1 AKorinda 7:10, 11

Antu akusumbula nukuyileja; hiyami nukuyilejaku, anayileji kudi Mwanta; nindi mumbanda bayi aleka nfumwinduku. Neyi wukumuleka, ashakami kwindi wujiki; mukunkulwayi akundami chenji kudi nfumwindi; niiyala bayi aseṇa iṇodinduku.

Luka 16:18

Muntu wukuseṇa iṇodindi asumbula wacheṇi, neli wuvumbi; wukusumbula mumbanda anaseṇuwu kudi nfumwindi neli wuvumbi.

ARoma 7:2, 3a

Mumbanda wasumbuka neyala, amubombela hamu neyala nanshi-

mbi, hachidiyi iyala wamumi; ilanja neyi iyala wukufwa, yena mumbanda nafumi dehi kulushimbi lwanfumwindi. Dichi dinu, neyi yena mumbanda wukusumbuka neyala wacheṇi, nfumwindi wuchidi wamumi, akumutena nawu chivumbi. Ilanja neyi nfumwindi wukufwa, yena mumbanda nafumi dehi kulushimbi olu. . . .

Matewu 5:32

Ilanja ami nukuyileja nami muntu wukuseṇa iṇodindi, chiṇa hamulonja wawuvumbi hohu, namubalumuni dehi nindi hichivumbi; muntu wukusumbula owu mumbanda analakuwu, neli wuvumbi.

Yowanu 14:3

Chineli nami nukuya nakuyilonjeshela mwakushakama, ami aweni nakenza cheṇi nakuyitambula; kulonda kunakekalami, diku mwakekali ninenu nawa.

Chimwekeshu 3:11

Nukwinza swayi; kwataku chiwudi nachu mbe, kulonda abuli kukutambula chibaaba cheyi.

Maku 8:38

Muntu wukuntiyilami nimazu ami nsonyi muchisakichi chawuvumbi chanshidi, Mwana kamuntu niyena wakamutiyila nsonyi hakenzayi mulubanji lwakulema kwaTata yindi nawajelu ajila.

Matewu 24:30

Kulondela henohu, mwiwulu mwakamwekana chinjikijilu cha-Mwana kamuntu; kulondela henohu, nyuza yahamaseki yejima akatumpa, akamona Mwana kamuntu wudi nakwinza hamavu amwiwulu, nañovu nilubanji lwakulema kwakweni.

Dichi ninenu diwunjikenu, dikoleshenu munyichima yenu, muloṇa kwinza kwaMwanta kudi kwakwihi. —Yakoba 5:8

Matewu 24:27

Muloṇa china chakenaṇa nvula kumusela yimwekana nikumujika, dichi chamba kela nihamba kenzayi Mwana kamuntu.

1 Yowanu 3:2

Enu akwetu twakeṇa, hohanu tudi anyana kaNzambi; chitwkekala kanda chimwekanuku, ilanja tuneluki netu chakamwekanayi twakafwana neyi yena, nanochu chitwakamumona chekalayi.

Chimwekeshu 16:15

Talenu, nakenza neyi chenzaña ikombi! Muntu wukutona, wukuhemba mahinindi, kulonda abuli kwenda nzekesi antu abuli kumona nsonyi yindi, nakooleki.

Luka 12:40

Dichi ninenu nawa babalenu, muloṇa mpinji yimukubula kutoṇojoka, diyi yakenzayi Mwana kamuntu.

Yililu 1:11

Hiyakwila nawu, Enu amayala akuñaliliya, munemenidi nakutala mwiwulu? Iwu Yesu anatwaluwu mwiwulu, wakenza neyi chochenichi chimunamumoni nakuya mwiwulu.

Matewu 16:27

Muloṇa Mwana kamuntu wakenza mulubanji lwakulema kwa-Tata yindi nawajelu jindi, wakenka antu ejima mwashikila nyidimu yawu.

Luka 21:27

Henohu akamona Mwana kamuntu hakwinza mwivu, naṇovu yayeni, nalubanji lwakulema kwasweja.

Mazu aNzambi

Iwulu dakahita, niiseki
nawa; mazu ami hiyamba
kahitaku. —Luka 21:33

Nyikanda yajila yejima
ayonena dehi kudi Nzambi;
yawaha kuleja nachu, nikutan-
yisha nachu, nikwolola nachu,
nikufumba nachu mwaloja

—2 Timotewu 3:16

Izu deyi nadisweki mumu-
chima wami, kulonda nibula ja
kukuvulumuna.

—Masamu 119:11

Mazu inukuyileja bayi
mwakalunjika kwokuku, hela
kufumishaku nehi, kulonda
mwakahembaja chachiwahi

kuleja kwambala kwaYehova
Nzambiyenu kunayileaja.

—Kuhituluka 4:2

Yesu hakwakula nindi, Mwe-
nda muluwa; kuluwa kwenu
kunafumi hakubula kwiluka
nyikanda yajila, hela յovu
yaNzambi. —Matewu 22:29

Muloija kwosi wuprofwetu
wenzahu dehi chakufuma
kumuchima wamuntuku; ilaja
antu ahosheli chakufuma kudi
Nzambi, chakuyihoshesha kudi
Spiritu Wajila. —2 Petulu 1:21

Izu deyi hiinoju dakunyendu
yami, hichejeji chamunjila
yami. —Masamu 119:105

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

**Mukand'iwu hiwukweti wuseyaku,
hiwaku landishaku**

www.wmpress.org

8-22

Read booklets online or by App
www.wmp-readonline.org
158 Lunda-Ndembu HFA

